

凡 例

一旧序宜存前人所叙原原本本即为后代典章不得以重修一次另有新序遂削前篇

一广采先儒徵谱说见修纂之事为古今先贤所最重以示后裔宜及时纂修也

一世系用欧法五派团聚便查览也

一每派列公排行几便查闾族兄弟大小毋敢失次重友恭也

一取名忌雷同字样及犯先代讳凡在五代以内须以音符字异更换避其同名不必以字义拘之孟子云君子之泽五世而斩小人之泽五世而斩故在五代以外之讳可不避也若派行与名二字均相雷同者虽在五代以外仍应按从年龄较小者更换其名或以音符字异而别之亦以避同名也

一六十以上书寿所以尊高年也

一配娶必书某地某人之女重婚姻也虽列夫后必大书特表与夫并列妻与夫敌体也

一夫妇名分攸关下采未娶书聘既娶书配续娶书继妻在纳妾无子书妾生子书副室子贵受封諡室则贬书配则抗议书又娶某氏所谓母以子贵也无出而能守节抚房子以承夫志者则亦从贵例也再继娶议书三娶某氏亦有四娶五娶某氏所以分先后有序不得概以继娶二字统之也

一生歿葬书详有别有而不获日俟详闻而不确日查详遗而无稽日失详例议难收日不详

一生歿葬向讳字行号配娶某氏年经久远间有缺略仍依旧式不敢妄增以成信谱

一娶妻须明婚正配古礼宜然倘无知识者误以兄嫂或弟妇为妻俗名转房殊属乱伦已极族议一律禁止如有违者本身及子孙不准入谱

一妻妾从一为贞或被出或夫死改嫁者妇道玷矣有子女则书其生年纪子女身所出也歿葬不书明与庙绝外之也又恐与无稽者有淆故书不详以别之

一子女或崗继妾生所出不一而总数若干应由夫计以子统於父也若妻妾并生必於总数后又注某子某女系某氏出明所自毋相混也子面天者再后注殇子某

一女嫁书适某地某姓某名注所归也未嫁书字某姓均只书其生年未嫁而歿者并书其歿葬注所终也

一生平有善行可嘉可为后人楷模者或处事直书或因人曲绘皆旧迹确有可处不可作粉饰语若现在之人虽有实行有待於后不书

一妇女节烈例有旌表已旌者书未如例者待有苦节为人所难能者另行立传以表之

一本宗过继於所后父下注子某系入继某人第几子识后本也於本生父下注子某出继某人为后便查也

一出抚於异姓者书出抚某地某人为嗣母嫁随往者书寄居某地某家冀其归也

一抚异姓之子与随母入户及带胎招赘之子概不收入非一本也歿并不准安葬祖山

一绝传者书止字杜冒顶也若夫歿而妻尚在者仍不书止冀妻或能抚房子以祧夫也

一远徙者注明某年月日徙居某处或远在某省府州县及某乡某地或偕子孙某同往仍编列世系不可遗漏

一为娼有乖妇道不准入谱以示严戒至为僧为道虽有间究属异端只可於其父下注某子出家不自列谱外之也

一莹墓图 湮没也便后人查考披图瞭然无图者注明山向葬所有无丈尺须以契据为凭不行藉载谱为争兢张本

一合葬坟莹必注明某左某右或系父子姑媳则为附葬亦须注明附左附右不得仅以合葬二字浑之使后无考

一承继登谱谨遵律例合例者入谱不合者不收盖立继不慎最易肇争甚至荡产不可不惩其中妇女私意刁威唆谋弊不胜指或该房无明理之人为其所蒙从场书押皆不为据总以合律为准至独子双祧为不得已者特开 条尤不可不谨观例载取具阖族甘结亦准其承继两房宗祧二语何等严明剗切断非支派中数人即可私立我族近因双祧一倡众和争产者竟起几至骨肉兴讼同室戈矛今皆依律

更正

一谱为族之典章大而纲常名教次而纪载规例一经入谱即为我族法则不可不慎凡事闾族定议公同允洽然后秉笔者书之既书入谱亦为成法异日续修不准私削